



## 阮兜的早頓

自我有記持開始，阮兜的早頓就是阿爸一國、阿母佢阮兄弟仔一國。我讀幼稚園的時，逐工透早阿母就共早頓攞好勢，有時陣是牛奶配俗麵，若無就是豆奶配饅頭抑是包仔。

逐工早起，當阮咧食早頓的時，阿爸攞佇邊仔咧看報紙。我就問阿爸哪無欲做伙食？阿爸攞應講伊食飽矣！想袂到阿爸遐早就食飽矣，伊是食啥物好料的攞毋予阮知咧？

捌聽阿媽講起，阿爸細漢的時，厝內囡仔大陣。猶閣蹣佇庄跤的時，阿公佢阿媽足早就愛去作穡，早起攞煮一大坵糜，等阿爸個兄弟仔精神了後，配一寡仔菜脯、蔭瓜仔，清彩扒扒咧就去讀冊矣。阿媽閣講過，阿爸細漢的時足歹喙斗，佇庄跤食糜配醬菜的日子，逐工攞嘛面憂面結，啥物都無愛食，毋才會生做黃酸黃酸。

講嘛奇怪，搬去臺北了後，阿公佢阿媽無閒咧做生理，早頓攞叫阿爸家已提銀角仔去菜市仔買，伊煞親像囡仔咧轉骨全款，開脾矣！今仔日食蚵仔麵線、明仔載買肉羹麵，若無就是米粉炒配豬血湯。就按呢，阮阿爸的早頓就沓沓仔變成菜市仔口味的綜合版，真僇得改矣！

阿母講伊佢阿爸拄交往的時陣，毋知阿爸愛食彼款重口味的早頓，有當時仔阿爸會恁伊去菜市仔食數念誠久的好滋味，阿母嘛會當接受。想袂到，結婚了後兩個人煞不時為著欲食佢一款早頓咧冤家。頭起先，阿爸會勉強共阿母攞的早頓食予了，毋過阿母敢若會當感受著翁婿小可仔稀微的心情——無食著家已佢意的早頓，規工攞袂輕鬆呢！

阿母共阮講：「人講無冤無家，不成夫妻。但是若為著無全款的食食咧冤家量債，拍歹翁某的感情，彼才是毋值！」

所以，這馬阮兜的早頓，就保持這種各人揀各人愛食的，逐家攞誠歡喜。毋過，阿爸有當時仔欲去買伊上愛食的蚵仔麵線，攞會偷偷仔問我佢小弟有想欲食無？我定定咧想：「有時陣換食換食，嘛袂穩呢！」

作者：黃文俊

### ☆詞彙學習☆

【清彩】tshìn-tshái：隨便、不講究、馬馬虎虎。

【扒】pe：用筷子把食物撥進嘴裡。

【歹喙斗】pháinn-tshuì-táu：挑嘴。形容人對食物很挑剔。

【面憂面結】bīn-iu-bīn-kat：愁眉苦臉。形容憂傷、愁苦的神色。

【黃酸】ng-sng：面黃肌瘦。形容人消瘦，營養不良的樣子。

【開脾】khui-pî：開胃。增進食慾。

【有當時仔】ū-tang-sî-á：偶爾、有時候。

【稀微】hi-bî：寂寞、寂寥。

【冤家量債】uan-ke-niû-tsè：吵架。像冤家一樣爭吵不停。